

ACTA DA XUNTA DE GOBERNO LOCAL

Sesión do 1 de decembro de 2005

SEÑORES/AS ASISTENTES:

D^a. Corina Porro Martínez
D. José Manuel Figueroa Vila
D^a. Lucia Molares Pérez
D. José Manuel Iglesias Carrera
D. Ignacio López-Chaves Castro.
D^a. Soledad Polo Lima
D^a. Marta Iglesias Bueno

NON ASISTEN:

D. Antonio Coello Bufill
D. Javier Jorge Guerra Fernández
D. Carlos Comesaña Abalde

Na Casa do Concello de Vigo, ás nove horas e vinte e tres minutos do día un de decembro de dous mil cinco e baixo a presidencia da Excm. Alcaldesa, Sra. Porro Martínez, coa asistencia dos concelleiros/as anteriormente citados, actuando como Secretaria a concelleira, Sra. Molares Pérez, constitúese a Xunta de Goberno Local desta Corporación co obxecto de realizar sesión EXTRAORDINARIA E URXENTE de acordo coa orde do día remitida a tódolos membros coa antelación legal precisa.

Están presentes por invitación, o concelleiro Sr. Couto Pérez, o titular do órgano de apoio á Xunta de Goberno Local, Sr. Lorenzo Penela, o interventor xeral, Sr. González Carnero.

A Xunta de Goberno Local adopta os seguintes acordos:

1(1636).- RATIFICACIÓN DA URXENCIA.

A Xunta de Goberno local ratifica a urxencia da sesión.

2(1637).-PROXECTO DE MODIFICACIÓN PUNTUAL DO ACORDO REGULADOR DAS CONDICIÓN ECONÓMICAS E SOCIAIS DOS TRABALLADORES DO CONCELLO DE VIGO. EXPTE. 16136/220.

Examinadas as actuacións do expediente, dáse conta do informe-proposta da xefa da Área de Réxime Interior, do 30.11.05, que di o seguinte:

LEXISLACIÓN APLICABLE:

-Lei 7/1985, de 2 de abril, Reguladora das Bases de Réxime Local (LBRL).

-Lei 9/1987, de 12 de xuño, de Órganos de Representación, Determinación das Condicións de Traballo e Participación do Persoal ó Servizo das Administracións Públicas (L.O.R.).

-Texto Refundido das Disposicións Legais vixentes en materia de Réxime Local, aprobado por Real Decreto Legislativo 781/1986, de 18 de abril (TRRL).

ANTECEDENTES:

Mediante orde de servizo dictada polo Concelleiro Delegado de Persoal no día 29 de novembro intruíuse expediente que ten por obxecto a modificación dos importes unitarios que o Acordo Regulador das Condicións Económicas e Sociais dos Traballadores ó Servizo do Concello de Vigo preve en relación coas horas traballadas en xornadas nocturnas e festivas, importes que veñen establecidas nos parágrafos seis e nove do art. 10 do instrumento xurídico mencionado. Asemesmo a orde de servizo menciona a modificación da compensación prevista no parágrafo segundo do art. 16.B.a) referida ós traballos efectuados nos días 24 e 31 de decembro.

INFORME:

O Acordo Regulador das Condicións Económicas e Sociais dos Traballadores ó Servizo do Concello de Vigo ten unha indubidable natureza normativa, así se desprende das SS. Dictadas polo T.S. en data de 29.IX.1997, AR. 6932 e 14.IV.2000. Á mesma conclusión chega a doutrina especializada e en concreto a redacción do Consultor dos Ayuntamientos en contestación efectuada en escrito de data 23 de novembro, a consulta formulada polo Titular do Órgano de Apoio da Xunta de Goberno desta Corporación que se incorpora ó expediente. Doutra banda o art. 32.a) “in fine” da LOR, cando fala das materias que deben ser obxecto de negociación nas Mesas Negociadoras das diferentes Administracións Públicas, advirte que o incremento das retribucións dos funcionarios incluírase nos proxectos normativos das administracións locais e autonómicas.

O carácter normativo do Acordo Regulador determina que sexa o Pleno da Corporación o órgano municipal competente para levar a cabo tal modificación puntual en tanto en canto lle corresponde a atribución de “aprobación e modificación das ordenanzas e regulamentos municipais” (art. 123.1.d) LBRL).

As previsións contidas nos diferentes instrumentos normativos non son inalterables, xustificadas razóns de interese público poden recomenda-la variación das mesmas a fin de adaptalas ás esixencias ou circunstancias que no seu día non existían, ou non foron consideradas, daí que a potestade municipal de autoorganización deba extenderse á modificación (“ius variande”) dos instrumentos nos que se materializa sempre e cando esta modificación non resulte arbitraria, asemesmo entendemos que o establecemento dunha determinada contía para cada unha das horas traballadas en servizos extraordinarios –contía respecto da que as Administracións Públicas gozan de discrecionalidade obxectiva na súa fixación- adecúase ó art. 23.3.1) da LRFPP dado que a súa percepción non se establece de forma fixa nin periódica senón que en todo caso dependerá da prestación, ou non, de tales servizos e do número de horas realizado.

A modificación que se propón ten a súa orixe na Mesa de Negociación realizada en data 27 de maio de 2005 entre o Concelleiro Delegado da Área de Xestión Municipal e os representantes das distintas centrais sinaladas, é dicir, no marco da negociación colectiva prevista na LOR, e no marco dos títulos competenciais que poden ser obxecto desa negociación.

Aínda que a data de hoxe os denominados “recargos” de nocturnidade e festividade mencionados no art. 10 do Acordo e a “compensación” prevista no art. 16.B.a) véñense percibindo en concepto de gratificación, o certo é que tales servizos extraordinarios realizados fora da xornada normal de traballo non están incluídos dentro dese concepto retributivo polo que tales “recargos” e “compensacións” puideran concebirse como conceptos non previstos no art. 43 da LRFEP e polo tanto como causa de anulación. Por elo, a fin de evitar inseguridades xurídicas, buscando a mellora da técnica xurídica e o fin da modificación proposta procede asemesmo variar neste aspecto a redacción dos artigos mencionados denominando “gratificacións” ós conceptos aludidos.

Para a modificación dos instrumentos normativos debe observarse os mesmos trámites que para a súa aprobación segundo determina o parágrafo segundo do art. 56 do TRRL, neste sentido, de conformidade co previsto no art. 49 da LBRL o procedemento require a aprobación inicial polo Pleno do Concello; información pública e audiencia dos interesados polo prazo mínimo de trinta días para a presentación de reclamacións e suxerencias e resolución de tódalas reclamacións e suxerencias presentadas dentro do prazo no acordo de aprobación definitiva polo Pleno, acordo que neste caso debe ser expreso e formal de conformidade co sinalado no parágrafo terceiro do art. 35 das LOR.

Os acordos plenarios deberán adoptarse co quorum da maioría simple de votos segundo o art. 122.2.2º parágrafo da LBRL, non obstante o proxecto de modificación que se propón con anterioridade ó dictame da Comisión Informativa de Xestión Municipal deberá ser aprobado pola Xunta de Goberno Local (art. 127.1.a) LBRL).

De conformidade co exposto e en virtude da orde de servizo dictada proponse ó Pleno da Corporación a adopción do seguinte acordo:

Primeiro.- Aprobar inicialmente con efectos de 1 de xaneiro de 2005 a modificación dos “recargos” previstos nos parágrafos seis e nove do artigo 10 do Acordo Regulador das Condicións Económicas e Sociais dos traballadores ó Servizo do Concello de Vigo fixando a súa contía en 2,50 €, nas horas de xornada nocturna a realizar entre as 22.00 h. e as 7.00 h. e en 3,70 € nas horas realizadas en sábados e días festivos. Tales “recargos” denominaranse “gratificacións”.

Segundo.- Aprobar inicialmente con efectos do ano 2005 a modificación da cantidade que se menciona como “compensación” no artigo 16.B. a) segundo parágrafo do Acordo Regulador das Condicións Económicas e Sociais dos Traballadores ó Servizo do Concello de Vigo referida ó traballo efectuado entre as 10.00 h. do día 24 de decembro e as 15.00 h. do día 25 de decembro, e no mesmo horario os días 31 de decembro e 1 de xaneiro fixando a súa contía en 120 €. Tales “compensacións” denominaranse “gratificacións”.

Terceiro.- Someter o acordo adoptado ós trámites de información pública e audiencia dos interesados por un prazo de 30 días mediante anuncio que deberá publicarse no Boletín Oficial da Provincia e no taboleiro municipal de edictos, debéndose asemesmo notificar expresamente o acordo adoptado á Xunta e ó Comité de Persoal deste Concello.

Consta no expediente informe do secretario xeral do Pleno e a conformidade do interventor xeral.

Acordo

A Xunta de Goberno local, á vistas dos devanditos antecedentes, acorda:

1º.- Aprobar con efectos de 1 de xaneiro de 2005 o proxecto de modificación dos “recargos” previstos nos parágrafos seis e nove do artigo 10 do Acordo Regulador das Condicións Económicas e Sociais dos traballadores ó Servizo do Concello de Vigo fixando a súa contía en 2,50 €, nas horas de xornada nocturna a realizar entre as 22.00 h. e as 7.00 h. e en 3,70 € nas horas realizadas en sábados e días festivos. Tales “recargos” denominaranse “gratificacións”.

2º.- Aprobar con efectos do ano 2005 o proxecto de modificación da cantidade que se menciona como “compensación” no artigo 16.B. a) segundo parágrafo do Acordo Regulador das Condicións Económicas e Sociais dos Traballadores ó Servizo do Concello de Vigo referida ó traballo efectuado entre as 10.00 h. do día 24 de decembro e as 15.00 h. do día 25 de decembro, e no mesmo horario os días 31 de decembro e 1 de xaneiro fixando a súa contía en 120 €. Tales “compensacións” denominaranse “gratificacións”.

E sen ter máis asuntos que trata, a Sra. Presidenta rematou a sesión ás nove horas e vinte e oito minutos. Como secretaria dou fé.
me.

A CONCELLEIRA-SECRETARIA
DA XUNTA DE GOBERNO LOCAL,

Lucía Molaes Pérez